

ხულოს მუნიციპალიტეტის მერიის სატენდერო კომისიის სხდომის

ოქმი N12

22 იანვარი 2019 წ.

დაბა ხულო

სხდომას უძღვებოდა კომისიის თავმჯდომარე ვახტანგ ბერიძე;

სხდომას ესწრებოდნენ: კომისიის თავმჯდომარის მოადგილე ზაზა აბულაძე;

კომისიის წევრები: ნადიმ ვასაძე და ელდარ ბოლქვაძე;

კომისიის აპარატის წევრები: გია დავითაძე და ასმათ ბოლქვაძე;

სხდომას არ ესწრებოდნენ კომისიის წევრები: დავით ქონიაძე, ირაკლი ხაჯიშვილი და გურამ დეკანაძე.

დღის წესრიგი: კორტოხის სპორტული მოედნის რეაბილიტაციის სამუშაოების სატენდერო განცხადებისა და სატენდერო პირობების დამტკიცების შესახებ;

მომხსენებელი: ე. ბოლქვაძე

მომხსენებელმა წარმოადგინა ინფორმაცია იმის შესახებ, რომ ხულოს მუნიციპალიტეტის 2019 წლის ბიუჯეტითა და შესყიდვების წლიური გეგმით გათვალისწინებულია კორტოხის სპორტული მოედნის რეაბილიტაციის სამუშაოები. ასევე სატენდერო კომისიის სხდომაზე წარმოდგენილია ობიექტზე შესასრულებელ სამუშაოებზე საპროექტო-სახარჯთააღრიცხვო და ტექნიკური დოკუმენტაცია.

კომისიას წარედგინა სატენდერო პირობების პროექტი, რომელსაც გაეცნო სხდომაზე დამსწრე ყველა წევრი და განხილვის შედეგად დადგენილი იქნა შემდეგი სატენდერო პირობები:

- შესყიდვის სავარაუდო ღირებულება: 49 863 (ორმოცდაცხრაათას რვაასამოცდასამი) ლარი დღგ-ს გათვალისწინებით.
- სარეგისტრაციო/უფლებრივი მონაცემების ამსახველი დოკუმენტ(ებ)ი: არ მოითხოვება;
- ინფორმაცია პრეტენდენტის გამოცდილების შესახებ: მოითხოვება, ტენდერში მონაწილე პრეტენდენტს 2016 წლის 01 იანვრიდან ტენდერის გამოცხადებამდე პერიოდში შესრულებული უნდა ჰქონდეს ტენდერით გათვალისწინებული ანალოგიური ხასიათის და სირთულის სამუშაოები სპორტული მოედნების მშენებლობა-რეაბილიტაცია-რემონტი საერთო ღირებულებით არანაკლებ 150 000 (ასორმოცდაათათასი) ლარის ოდენობით.
- ინფორმაცია პრეტენდენტის მატერიალურ-ტექნიკური ბაზის შესახებ: არ მოითხოვება;
- ხელშეკრულების შესრულების საბანკო გარანტია - არ მოითხოვება;
- ინფორმაცია პრეტენდენტის პერსონალის გამოცდილების შესახებ: არ მოითხოვება;
- ფასის 20 %-ით ან მეტით კლების შემთხვევაში ფასწარმოქმნის ადეკვატურობა: მოითხოვება;
- წინასწარი ანგარიშსწორება: არ გამოიყენება.
- სამუშაოს შესრულების ვადა და ანგარიშსწორების ეტაპები:

- სამუშაოების შესრულების ვადა - სამუშაოები მიმწოდებელმა უნდა დაიწყოს 2019 წლის 20 აპრილს და უნდა დაასრულოს 60 (სამოცი) კალენდარულ დღეში.
- სამუშაოების შესრულებისა და ანგარიშსწორების ეტაპები:

I ეტაპი - 35 (ოცდათხუთმეტი) კალენდარული დღე სახელშეკრულებო ღირებულების 60%-ის სამუშაოების შესრულების წარმოდგენა.

II ეტაპი - 25 (ოცდახუთი) კალენდარული დღე სახელშეკრულებო ღირებულების 40%-ის სამუშაოების შესრულების წარმოდგენა.

დაადგინეს:

1) დამტკიცდეს კორტოხის სპორტული მოედნის რეაბილიტაციის სამუშაოების სატენდერო განცხადება და სატენდერო პირობები;

2) დაევალოს სატენდერო კომისიის აპარატს ელექტრონული ტენდერის გამოცხადება წარმოდგენილი სატენდერო პირობების შესაბამისად არაუგვიანეს 2019 წლის 22 იანვრისა.

კომისიის თავმჯდომარე

ვ. ბერიძე

კომისიის თავმჯდომარის მოადგილე

ზ. აბულაძე

წევრები:

ე. ბოლქვაძე

ნ. ვასაძე

კომისიის აპარატის წევრები:

ა. ბოლქვაძე

გ. დავითაძე